

LO BATTISTISME TRIONFANT...

« Je n'ai été victime d'aucune injustice et j'ai mené en bateau tous ceux qui m'ont aidé. Pour certains d'entre eux, je n'ai même pas eu besoin de mentir. » (Cesare Battisti)

Aquèl òme respectable, que ven d'avoar sei crimis, èra membre de *Proletaris armats per lo comunisme*, qu'obrèt pendent « leis annadas de plomb » en Itàlia, onte la terror roja regnava. Trobèt pasmens de valents partisans en França, tant dins lei mèdias coma lo mitan politic (roges per l'immensa majoritat). E lo mitan dich intellectuau, a se demandar se merita vertadierament l'etiqueta essent sa propension recurrenta a s'enganar, tradicionalament pivelats que son per lei dictators sanguinaris. Lei roges solament, elegits au reng de modèls, que solets lei negres son dau costat dau diable a seis uelhs. Benlèu un problèma de daltonisme cronic que leis empachan de veire lo roge... sang ?

Lei menats en batèu, impausaires d'un imatge angelic de l'assassin « injustament secutat per lo govèrn faissista italian », ben segur remandèron tanben a l'etiqueta « faissistas » lei ciutadans francés que seguissian pas son ideologia de salon dau quartier latin, ni mai son injoncion d'èstre pivelats per la violéncia revolucionària (tant romanticopoetica coma cadun o sap), foguèsse rajanta de sang. Cerquèri sus Internet aqueleis eròis de l'engana, un còp de mai, aquelei que son ara subte muts davant lei giscladas de sang que li remontan a la fàcia. E de la boca meteissa de son favorit qu'an tant lausenjat, ièr recebut pertot en eròi, mes en valor dins totei lei mèdias, tament que lo laureat trobava pas plus de plaça sus sa tèsta per empilar lei coronas trenadas a sa glòria de eròi de la resisténcia injustament acusat de crimis. S'investiguèron ambe fòga, vam e vòlha lei « embatelats » seguent :

• Personalitats

L'abbat Pierre, Christophe Alévêque, Jacques Audiard, Jean-Pierre Bacri, Guy Bedos, Daniel Bensaïd, Richard Berry, Jane Birkin, José Bové, Carla Bruni, Patrice Chéreau, Pascale Clark, Régine Deforges, Anny

Duperey, Jean Ferrat, Dan Franck, François Guérif (editor), Adeline Hazan, Jacques Higelin, Bernard-Henri Lévy, Lio, Noël Mamère, Miou-Miou, Georges Moustaki, Daniel Penac, Sapho, Philippe Sollers, Daniel Picouly, Jean-Bernard Pouy, Yves Simon, Jacques Tardi, Fred Vargas, Pierre Vidal-Naquet (ne manca segurament).

- **Politics**

Olivier Besancenot (LCR), Pierre Boulloire (cònse PS de Frontinhan que faguèt Battisti ciutadan d'onor de sa vila !), Nicole Borvo (PCF), Bertrand Delanoë (PS), Julien Dray (PS, que l'acompanhèt au Bresil), François Hollande (PS, que l'anèt visitar en prison, vertat qu'es son especialitat...), Alain Krivine (LCR), François Mitterand (PS, grand ordonator dau culte a Battisti e ais autrei de la meteissa origina), Renaud Muselier (UDF), Jacques Remiller (UDF), Christian Picquet (LCR), Nicolas Sarkozy (UMP, que recebèt Fred Vargàs a la demanda expressa de sa femna e de sa bèla sòrre), Dominique Voynet (Verds).

Burèu nacionau dau Partit socialista, Grop comunista de la vila de París, Liga dei drechs de l'òme, Fondacion Danielle Mitterrand, Consèu de París (que lo nommèt « amic de la vila de París »).

De notar que Robert Badinter (PS) (que refusèt la doctrina Mitterrand d'aculhir leis activistas dei brigadas rojas), Jacques Chirac (UDR), Jean-Pierre Raffarin (UDR) sauvèron un pauc l'onor...

- **Mèdias**

* *France Culture* onte l'assassin gausèt morgar son monde : « *le parti fasciste avait changé de nom : il s'appelait la Démocratie chrétienne* ».

* *L'Humanité* (16/02/2004) que l'estimèt condemnat « *par un tribunal révolutionnaire réservé aux procès des militants de l'ultragauche* ».

* *Libération* qu'afortiguèt « *il est victime de la nostalgie des chemises noires* » (13/02/2004).

* *Le Monde* qu'estaloirèt un editoriau « *Le droit pour Battisti* ».

* la cadena de television *Planète* que difusèt un documentari a sa glòria « *Cesare Battisti : résistances* ».

* *Radio France* onte Jean Lebrun (qu'oficia totjorn sus *Fance-Inter*, ambe d'emissions pasmens interessantas) lo festegèt. Es que va consacrar una emission novèla a Battisti per se desdire e s'excusar ? Encara que siegue inutil, essent que lo mau es fach e bravament fach.

* *Le Ravi, Enquêtes et satyres en PACA*, que publiquèt lo 01/06/2004 un « *Plaidoyer pour Battisti* » en entrevistant la celèbra autora de romans policiers Fred Vargas, granda sosteneira incondicionala de Battisti, e mai aprèp sei confessions. I podèm legir aquesta colleccion de pèrlas :

« Avec Fred Vargas, j'ai en commun un prénom masculin, l'écriture de romans policiers et la volonté de défendre Cesare Battisti ! Ce qui nous différencie, par contre, est que je suis un gros fainéant et Fred une grande travailleuse, capable d'écrire un livre d'arrache-pied en 12 jours et 12 nuits pour soutenir Battisti. En effet, le temps presse : le 30 juin, la cour d'appel de Paris doit se prononcer sur l'extradition de l'écrivain italien.

Peux-tu nous raconter la genèse de ce livre, entrepris dans une rare urgence ?

La prise de conscience de la stupéfiante censure que la presque totalité de la presse française opposait à toutes les voix qui tentaient de dire la vérité. La sensation d'un haut mur de béton s'élevant face à nous, la vue presque palpable de la vérité s'engloutissant dans les boues de l'Histoire, sous nos yeux, devant nous, devant moi, impuissante. Mon réflexe d'archéologue et d'historienne s'est déclenché comme un ressort : sauver par tous les moyens cette vérité qui disparaissait sous la marée mensongère de la propagande. Mais par QUEL moyen ? Un livre, me suis-je dit. Puisqu'on ne nous laisse pas parler, il va nous falloir prendre la parole par nous-mêmes. Et j'ai aussitôt appelé mon éditrice Viviane Hamy, dont je connais le courage et l'absolue probité. »

Qu'est-ce qui te choque le plus dans cette affaire, dite Battisti ?

Que l'on utilise un être humain comme une marchandise, afin de régler des questions entre gouvernements et ministres. Que l'on fasse commerce de chair humaine. Que l'Italie réclame ses anciens réfugiés pour des motifs qui n'ont rien à voir avec ceux qu'elle avance, que la France accepte de puiser dans son « stock » au mépris de l'honneur de sa parole donnée et de sa justice. Que la presse ait publié, en Italie et en France, des mensonges et des désinformations inacceptables, pour aveugler l'opinion publique.

Faudriá tot soslinhar de roge tant lo tuclitge s'estaloira, tant lei messorgassas s'amolonan, tant lei leiçons en onestetat son assenadas a doble rebraç. « *Mensonges, désinformations, mur de béton, chair humaine* » a l'encòntra de Battisti e sei turiferaris ? Non, sens rire, d'òna Vargas ? Me sembla que « *mensonges, désinformacions et murs de bétons* » venon exclusivament dau costat dei batittistas pivelats, que vos en granda preiressa, e qu'en matèria de « *chair humaine* » lei victimas e sei familhas an bravament donats, non ?

La seguida es tant embornianta e ilaranta (negra) e se pòt legir sus <http://www.leravi.org/spip.php?article78> (l'autor de l'entrevista signa pas, quau es aquèu autor provençau de romans policiers e gaire frequentable ?)

Dins lei tieras çai sus, ne manca segurament de nòstrei ancians clarvesents indignats per lo sòrt fach au paure Battisti, mai vòli pas pèdre de temps a ne faire la lista. Ai relevat a la lèsta pas que çò me tombèt sota leis uelhs. I vesèm la chorma costumiera deis enganats volontaris e enganaires patentats, fòrça promptes a l'excomunicacion de l'autre que pensa pas coma elei (la glòsa de Vargas es un dei mai polits exemples). Comportament classic de tota ideologia totalitària, e la roja s'i entend benlèu encara melhor que la negra se comptabilizam sei mòrts dins sei camps, sota la tortura ò la famina organizada. Podèm que constatar que son mai prompts (presidents de França en tèsta) a adorar leis assassins... que lei parlaires de lengas regionalas, qu'an jamai tuat degun, ni destrusit qué que siegue quora manifèstan, mai pasmens eternament remandats a un estatut de « desviants dangierós per la Republica » (Mélénchon e autrei). Aguessiam agut que lo quart de mesa en valor qu'aguèt lo

brigadista roge que naderiam dins lo bonur e planariam dins lei nivòls ! Mai non, ais innocents pòrtas barradas, tant dins la lei coma dins l'ensenhament e lei mèdias, mai lausenjas totas per lei Estalin, Mao, Castro, Guevara, Battisti, Lula, Chavez, Maduro e seis esbiris, de la part dei meteis en generau. Mitterand en tèsta, menaire d'aquesta descoranta e criminala campanha de valorizacion d'un assassin, montat en espingòla coma un valurós resistent (èra pas qu'un truand), mai que jamai « *reparèt l'error istorica* » a l'encòtra dei lengas regionalas, coma o gausèt dire. Campanha seguida conscienciosament per tota la practica germanopratina dei letras (pensatz, Battisti escriguèt de romans policiers, donc un dieu vertadier) e deis arts. Li foguèt en mai ofert un emplec... Podèm plus manco parlar d'impostura, tament banham dins la negror fonsa de sang calhat.

Empacha pas Fred Vergas, ja copabla d'un libre a la lausnja de son eròi blanc paregut en 2004, de s'obstinar a dire qu'es innocent ! A paur d'èstre presa per una imbecilla... Mai non, dònna, leis assassins e lei complicis d'assassins pòdon èstre fòrça intelligents, la pròba la tieria dei personalitats citadas que ten quauquei gens supausats intelligents... S'atròba que son sovent largament mai dangierós que leis imbecils. Que meton son intelligéncia au servici de la mòrt, en tota consciéncia (e mai bòna consciéncia maugrat lei fachs que venon lei còntradire en sincronia coma en diacronia), eternament emborniats que son per sa set d'ideologia. Una mena de paissèu, de baston de vielhessa per lei téner drechs, que malurosament lei pren joines e lei quita pas. N'an un besonh viscerau coma un drogat e en mai pretendon l'impausar « per lo ben dau pòple ». E tornaràn començar sens fin ni cessa, coma un ase vira sa posaranca, ambe d'assassins novèus que se presentaràn « au nom d'una ideologia liberatriz », per renovar son excitacion neuronal, i.e. son pivelament malautiu per « la violéncia revolucionària ». Seis errors mostrosas de jutjament, pasmens empieladas d'un biais repetitiu despuèi de decennis, li sèrvan pas manco de leiçons. Es donc largament mai grèu qu'èstre un imbecil, dònna, es ni mai ni mens èstre un criminau, per sosten enfuocat a de criminaus e d'ideologias criminalas, en seguida d'una perseveréncia dins lo *sed perseverare diabolicum... ad libitum* que seriá que patetica non

foguèsson lei mòrts amolonats. La redempcion classica es de... s'excusar, que còsta pas car, çò que ven de dire lo Battisti, tota vergonha beguda. E seis ancians sostens de lo badar encara, e pas solament la soleta Fred Vargàs. Que òc, en America dau sud, onte trobam d'indignats per son extradicion !!

E leis Occitans aquí dedins ? Me rapèli fòrça ben lei quitei sostens que lo Battisti aguèt tanben dins l'occitanisme roge e ultraroge de la part d'unei... Meteissa sansonha repepiada dau « *revolucionari combatent lo faïssisme* » (encara un còp ren qu'un truand recrutat dins lei brigadas per sa facilitat a usar d'una arma sans estat d'arma), « *la victima d'un procès inic qu'a tuat degun* » (a còps de trafecs d'informacions pertocant son procès), ambe meteis enfuocament ideologic, e meteissas temptativas de lessivatge de cervèlas dins de recampaments occitans divers, ò entre doas pòrtas... E, aquò va solet, acusacions de faïssisme a l'endrech dei autreis occitanistas que refusavan de faire lei fedas sosmesas a l'ideologia totalitària. Que ne pensatz ara, collègas, de vòstre emborniament, un de mai ? E qu'aviatz ja per lei Castro e Guevara (ambe camisetas) e que renovelatz conscienciosament per lei Lula, Chavez, Maduro (sens camisetas, ò leis ai benlèu pas encara vistas ...) en qualei avètz totjorn trobat totei lei justificacions, e pièger totei leis excusas, e mostrar totei lei sosmissions complasentas ? Tant coma l'assassinat dau prefècte Erignac en Corsega qu'avètz pas condemnat, ò tament tebesament per la galariá... Me ne rapèli clarament e quant foguèri tustada, e per lo sosten au sanguinari Battisti e per aquesta desinvoltura fàcia a la mòrt d'un òme, escobada d'un revèrs de man. La sang que raja vos gèina pas tròp ? I a totjorn una bona rason « politica » que lava mai blanc que tot ? Vòstre emborniament se perseguís ara ambe l'islamoquerrisme que vos mena a comptabilizar lei terroristas tuats ò leis assassins engabiats coma de paurei victimas, au meteis reng que sei victimas. Quina indecència ! Amb una diferéncia pasmens, qu'aquelei darrieras victimas, lei vertadieras e lei soletas, vos tiran mens de lagremas que seis assassins. Quora encara ignoratz pas superbament de grops entiers de victimas : crestians d'Orient, femnas violadas, excizadas, maridadas de fòrça tre 12 ans, esbolhentadas, liceanas raubadas per èstre engabiadas e violadas,

opposants, poètas e omosexuaus engabiats, la lista es pasmens longassa de victimas que vos indifèran totalament. Que de toteis aquelei, chut chut chut, au nom de la novèla ideologia que fa preferir lo borèu a la victima. Fins a l'èrsa seguenta, onte vos enfuocaretz parierament per de criminaus que prenètz per de revolucionaris « combatents per lo drech, la justícia e la libertat » (A a a !) e « lo bonur dau pòple » (A a a !), despuei Robespierre. Es dire s'avètz de la seguida dins leis idèas, malurosament totjorn aquelei que deciman la planeta, que siegon politics ò religiosas. Quitament Battisti se trufan de vos e bravament ! Mai non Fred Vargas dins son còr e son cap sap intimament qu'es innocent ! Se passèsse a l'ora d'ara, òm imagina aisidament lei sostens enfuocats que mancarián pas de s'exprimir dins la republica dei mèdias, dei letras, deis artistas e dei politics. Lei meteis adorators qu'a passat temps e lei mai joines, mai de la meteissa aiga, totei decorats de vertut trionfanta, e drechs dins sei bòtas, imperturbablament...